



Мұнара

РЕСПУБЛИКАЛЫҚ РУХАНИ-ТАНЫМДЫҚ ГАЗЕТИ

№20 (74)
18.10.2022
СЕЙСЕНБІ



ӘДІЛДІК – ӘЛЕМНІҢ ҚАЗЫҒЫ



Ең үлкен ақиқат – Алла Тағаланың барлығы және бірлігі. Бұл әлем Ұлы Жаратушының теңдессіз туындысы болғандықтан, онда үйлесім мен тәртіп бар. Сол үйлесім мен заңдылыққа сәйкес өмір сүруді «Дін ұстану» десе, Алла Тағала бекітіп берген сол үйлесім мен заңдылықты сақтауды «Әділдік» деп атайды.

» 5
БЕТ

АДАМ МИЫНЫҢ АҚИҚАТЫ



Ми адамның тұлғасын қорғау үшін оны алдайды. Сондықтан оның өтірігіне алданып қалмау керек. Ол үшін Пайғамбарымыз (оған Алланың салауаты мен сәлемі болсын) ұстанған жолмен жүрсек жетіп жатыр. Адамның көпшілігі мақсатқа жету жолында қиындықтарға шыдамай, оңай беріледі. Алайда мәселе – сол сәттегі қиындықта емес, қиындықты мидың қалай қабылдайтынында. Ал мұсылман әрбір қиындықты Алладан келген сынақ деп қарастырады.

» 5
БЕТ



ГИПЕРТҰТЫНУ ЗАРДАБЫ

Қазіргі уақытта біз адамзаттың бүгінгі кезеңдегі дамуын сипаттау кезінде «гипертұтыну» ұғымына жиі тап болудамыз. Гипертұтыну – тауарларды рационалды және функционалды емес тұтыну, яғни шектен тыс тұтыну құбылысы. Бұл нәрсе капиталистік қоғамның кірісті барынша арттыруға деген ұмтылысын қолдайтын және қуаттайтын барлық нәрсені қамтиды. Оның ішінде сұранысты үнемі ынталандыру арқылы адамның қажеттіліктерін шексіз көбейтуге тырысады.

Бүгінгі таңда әлемдегі адамдардың көпшілігі бірнеше ғасыр бұрын өмір сүрген адамдардың проблемаларына тап болмайды. Ол кезде адамның өмір сүруі оның тұрғын үй салу, тамақ табу және т.б. қабілетіне тікелей байланысты болған. Технологиялық прогрестің дамуымен әлемнің барлық елдерінде адамның өмір сүру деңгейі де айтарлықтай өсті.

Алайда бір проблеманы шешсе де, адамзат екіншісіне, алдындағы гөрі қауіптірек проблемаға жолықты. Бүгін біз тұтыну қоғамында, нақтырақ айтқанда

гипертұтыну қоғамында өмір сүріп жатырмыз. Адам барынша көбірек тұтынуға тырысады. Өмір сүру үшін тұтынатын қоғамнан тұтыну үшін өмір сүретін қоғамға айналдық. Неге олай болды?

Бірінші себеп – бақытсыздық. Көптеген адамдарда «тұтынуды арттыру – бақытты болудың жолы» деген алдамшы түсінік қалыптасты. Адам өзіне қажет емес заттарды сатып алу арқылы бақытсыздықтан құтыламын деген ойда болды. Бірақ мұндай жағдайда ақша тез бітеді және бәрі қайтадан бастапқы калпына келеді де, адам қайтадан бақытсыз

күйге түседі. Содан кейін ол жұмысқа орналасу арқылы ақша табудың жолын іздей бастайды. Жұмысы өзіне ләззат әкелмегендіктен, ол одан сайын бақытсыз бола бастайды. Осылайша адамның өмірі бақытсыздықтың тұйық спираліне айналады.

Дағдарыс – тұтыну қоғамының ажырамас элементі. Мұндай жағдайда қалай әрекет ету керектігі туралы игерілген білім болмағандықтан, бұдан шығудың жолы жоқ. Осылайша көптеген адамдар үнемі тұтынушы болып қалады және әрдайым оларға бірдене жетіспей тұрады. Аздаған қоры болса да, біраз уақыттан соң дағдарыс салдарынан адамдар оны жоғалтады. Осылайша олар қайтадан ақша табуға және тұтынуға мәжбүр болады.

» 3
БЕТ

БАСПАСӨЗ-2023

«МҰНАРА»
ГАЗЕТИНЕ 2023 ЖЫЛҒА
ЖАЗЫЛУ НАУҚАНЫ
БАСТАЛДЫ

Жазылу индексі: 64747

ЖАЗЫЛУ БАҒАСЫ

	Қала бойынша	Аудан-ауыл бойынша
3 айға	577,80 теңге	603,60 теңге
6 айға	1 155,60 теңге	1 207,20 теңге
12 айға	2 311,20 теңге	2 414,40 теңге

QR КОД АРҚЫЛЫ ТЫНДАҢЫЗ!



Бас мүфти Наурызбай қажы Тағанұлының «Тәпсірлердің таңдаулысы» тақырыбындағы дәрісін осы жерден тыңдауға болады.



ҚМДБ Уағыз-насихат бөлімінің меңгерушісі Батыржан Мансуровтың дәрісін тыңдаңыз. Дәріс тақырыбы – «Хадис тағылымы».



ҚМДБ Уағыз-насихат бөлімінің маманы Думан Сайфуланың «Нәпсі тәрбиесі» тақырыбындағы дәрісін ұсынамыз.



Әр айдың намаз кестесін осы жерден көрсеніз болады. Мұнда еліміздің барлық қаласындағы намаз кестесі жинақталған.



ЖЕЛІДЕГІ ЖАУАПКЕРШІЛІК

немесе жабыла құттықтау жайында



Бір адамның бір адамды теріс әрекеті үшін сырттай айыптауға хақы жоқ шығар, бәлкім. Алайда қандай да бір үрдістің топтық сипат алуына қатысты сыни пікір айтудың еш әбестігі бола қоймас деп білеміз. Тұрасына көшер болсақ, мәселе Фейсбук әлеуметтік желідегі өңгіме ауаны, соның ішінде өлдебір лауазымға тағайындалған азаматты жабыла құттықтау жайында болмақ.

» 3
БЕТ

«МҰНАРА» (MUNARA) ГАЗЕТИНЕ «ҚАЗПОШТА» АҚ-НЫҢ БАРЛЫҚ БӨЛІМШЕЛЕРІ, СОНДАЙ-АҚ ҚМДБ-ҒА ҚАРАСТЫ БАРЛЫҚ МЕШІТТЕР АРҚЫЛЫ ЖАЗЫЛУҒА БОЛАДЫ. ГАЗЕТ АЙЫНА 2 РЕТ ШЫҒАДЫ.

АНЫҚТАМА ТЕЛЕФОНДАРЫ:
«ҚАЗПОШТА» АНЫҚТАМА БӨЛІМІ: 8 (7172) 58-02-96
«МҰНАРА» ГАЗЕТИНІҢ РЕДАКЦИЯСЫ: 8 (7172) 99-98-66

БАС МҰФТИ СИНГАПУР МИНИСТРІМЕН КЕЗДЕСТІ

ҚМДБ Төрағасы Наурызбай қажы Тағанұлы Астанадағы Республикалық бас мешітте Сингапур Республикасы Премьер-министрі кеңсесінің министрі, екінші Сыртқы істер министрі доктор Мохаммед Османмен кездесті.

Екіжақты кездесуде дінаралық қатынас, тәжірибе алмасу, исламдық білім беру жүйесі сөз болды. Құрметті қонақты жылы қарсы алған Бас мүфти ең алдымен жана мешітті таныстырып, ерекшелігін атап өтті.

Өз кезегінде доктор Мохаммед Осман Қазақстанға тұңғыш рет келіп отырғанын айтты. Мешіттің сәулетіне таңқалған құрметті қонақ ҚМДБ Төрағасына ыстық ықыласы үшін алғыс білдірді.

Бас мүфти шетелдік мейманға дәстүрге сай құрмет көрсетіп, қонаққаде ұсынды. Кездесу соңында тараптар болашақта бірнеше бағыт бойынша жұмыс істеуге уағдаласты.

ТҮРІКМЕНСТАН ПРЕЗИДЕНТІ БАС МЕШІТТЕ БОЛДЫ

Қазақстанға мемлекеттік сапармен келген Түрікменстан президенті Сердар Бердімұхамедов Астанадағы Республикалық бас мешітте болды. ҚМДБ Төрағасы Наурызбай қажы Тағанұлы Түрікменстан Президентін қарсы алып, Бас мешіттің тыныс-тіршілігімен таныстырды.

Бас мүфти Астанадағы жаңа мешіттің әлемдегі ең үлкен он мешіт қатарына енгенін, бүгінде құлшылық орнына келушілер саны мол екенін алға тартты. «Мешіт ішінде 35 мың адам намаз оқи алады. Ал жалпы сыйымдылығы – 235 000 адам» дей келе, бүгінде Бас мешітті құлшылық ордасы ғана емес, рухани-ағарту орталығына айналдыру мақсатында ірі жобалар атқарылғалы жатқанын атап өтті.

АСТАНАДА ЖАҢА МЕШІТ АШЫЛДЫ

Астана қаласында жаңа мешіт ашылды. Игі іс-шараға Бас мүфти Наурызбай қажы Тағанұлы қатысып, жамағатты жаңа мешіттің ашылуымен құттықтады.

«Ардақты Пайғамбарымыз (оған Алланың салауаты мен сәлемі болсын) дүниеге келген қасиетті Мәуліт айында Астана қаласы бойынша 14-мешіт есігін айқара ашып, жамағаттың игілігіне беріліп отыр» деді Бас мүфти Наурызбай қажы Тағанұлы. ҚМДБ Төрағасы мешітті салған азаматтарға айрықша алғыс білдіріп, игі тілегін жеткізді.

Айта кетсек, қаланың Көктал шағынауданында ашылған жаңа мешітте бір мезетте 500 адам құлшылығын өтей алады.

ҚАРАҒАНДЫ ОБЛЫСЫНЫҢ БАС ИМАМЫ ТАҒАЙЫНДАЛДЫ

Бас мүфти Наурызбай қажы Тағанұлының бұйрығымен Қарағанды облысының бас имамы тағайындалды.

Наиб мүфти, Шариғат және пәтуа бөлімінің менгерушісі Сансызбай Құрбанұлы Қарағанды облыстық «Әнет баба» мешітінде жамағатқа бас имамды таныстырып, ҚМДБ Төрағасының бұйрығын оқып берді. Жауапты қызметке бұған дейін Теміртау қаласының бас имамы болған Естай Әбдіғалиев тағайындалды.

Ал Қарағанды өңірінде он жылға жуық бас имам қызметін атқарған Өмірзақ қажы Қазқенұлына құрмет көрсетіліп, иығына қазақты дәстүрмен шапан жабылды.

Айта кетейік, жана бас имам Естай Әбдіғалиев дін жолындағы қызметін Қарағанды облысының ауылдық мешіттерінде ұстаздықтан бастап, Астана қаласындағы «Ырыс-келді қажы», «Әзірет Сұлтан» мешіттерінде наиб имам, 2020 жылдан бері Теміртау қаласының бас имамы қызметтерін атқарды.

«БАҚЫТТЫ ШАҢЫРАҚ» ҚОРЫНА ТАРТУ ЖАСАДЫ

ҚМДБ Төрағасы Наурызбай қажы Тағанұлы елордадағы «Бақытты шаңырақ» қайырымдылық қорына барып, сый-сияпат жасады.

Игі іс-шара аясында Бас мүфти «Зекет және қайырымдылық» қоры атынан мүгедек балалары бар отбасыларға қолдау және көмек көрсететін «Бақытты шаңырақ» қоғамдық қорына «Тұз шахтасын» орнатуға қажетті қаражатты сыйлады.

«Қасиетті Құранда «Жақсылық жасауда жарысындар» деген. Біз әрдайым қуантуға тырысамыз. Бүгін Орталықтың жұмысымен таныстым. Еміне шипа іздеп, дертті болған балалар тезірек сауығып кетсін. Балалар ауырмасын. Соларға қамқорлық танытып отырған қордың жұмысына табыс тілеймін» деді Наурызбай қажы Тағанұлы.

Айта кетейік, тұз шахтасы созылмалы ауруларды емдеуде аса айрықша рөл атқарады. Спелеотерапия тау қуысы микроклиматының, тұзды шахталардың, үңгірлердің табиғи микроклиматын пайдалануға негізделген дәрі-дәрмексіз емдеудің ең әсерлі түрі саналады. Тұз шахтасындағы бір процедураны теңізге болған бір күнмен теңестіруге болады.

«МЕЙІРІМДІ МҰХАММЕД» МӘУЛІТ КЕШІ ӨТТІ

Қазақстан мұсылмандары Діни басқармасының төрағасы Наурызбай қажы Тағанұлы Алматыдағы Республика сарайында «Мейірімді Мұхаммед» (оған Алланың салауаты мен сәлемі болсын) тақырыбында өткен Мәуліт кешіне қатысып, жамағатқа уағыз айтты.

«Мәуліт – пайғамбарлардың сардары Мұхаммедтің (оған Алланың салауаты мен сәлемі болсын) дүниеге келген, әлемді нұрға толтырған Құдай Тағаланың мейірім-рахымын молынан жаудырған тарихи күн. Өздеріңіз жақсы білесіздер, Пайғамбарға салауат айтқан адам сансыз сауапқа кенеледі. Пайғамбарымыз (оған Алланың салауаты мен сәлемі болсын): «Кім маған бір салауат айтса, Алла Тағала оған он салауат айтады» деген.



Біз бұл хадистен сансыз сауапқа кенелу үшін көбірек салауат айту қажеттігін түсінеміз» деді Наурызбай қажы Тағанұлы. Сонымен қатар Бас мүфти рухани кешке жиналған жамағатқа асыл дініміздегі адал еңбек етудің маңызы жайлы атап өтіп, Пайғамбарымыздың (оған Алланың салауаты мен сәлемі болсын) маңдай термен нәпақа табуға жігерлендіретін қасиетті хадистерін мысал етті.

Фиратты кеште Аллаға мадақ, Пайғамбарға салауат айтылып, Мәуліт жыры оқылды. Сонымен қатар фиратты сахналық көріністер қойылып, жыр-термелер орындалды.

Кеш соңында Бас мүфти рухани іс-шараның өтуіне демеушілік

жасаған белгілі меценат Бахарадин Аблазимовты «Қазақстан мұсылмандары діни басқармасына 30 жыл» мерекелік медальмен марапаттады. Сондай-ақ мерекелік бағдарламаға үлес қосқан белгілі жыршы Жәкен Омаровқа, «Өнер қырндары» мен «HasSak» ұжымына алғыс хатын табыстап, ризашылық ниетін жеткізді.

Мәуліт мерекесінде «Зекет және қайырымдылық» қорының «Ел үлесі – пәтерге» жобасы аясында Түркістан аудандық «Мекке» мешітінің имамы, көпбалалы әке Рахматулла Моллақағанатулына 596-пәтер кілтін табыстады.

Бас мүфти «Алла Тағала жаңа баспананың үшін жанға, сыртын малға толтырып, отбасыңызға бере-

келі ғұмыр нәсіп етсін» деген игі тілегін білдірді. Айта кетсек, аталған қайырымдылық жоба бойынша Алматы қаласында осымен 20-пәтер өз иесіне берілді.

Республика сарайында өткен Мәуліт кешінен түскен қаражат сертификатын көмекке мұқтаж отбасыларға, науқас жандарға табысталды. «Сіздер Мәуліт кешіне келіп, рухани азық алумен қатар қайырымдылық жасап отырсыздар. Билеттен түскен қаражат қайырымдылыққа жұмсалды. Алла Тағала бұл жақсылықтарыңыздың қарымын өздеріңізге еселеп нәсіп еткелі» деді Наурызбай қажы Тағанұлы.

Рухани кешке келген жамағат көрме залына қойылған Пайғам-

барымыз (оған Алланың салауаты мен сәлемі болсын) тұрған үйінің макетін, қолмен жазылған Құран Кәрім түпнұсқаларын, Алла елшісінің өмірін сыр шертетін суреттерді, атап айтқанда күнделікті өмірде қолданған ыдыс-аяқтар мен тұрмыстық заттардың суреттерін тамашалады.

Сондай-ақ Алматы қаласында Хусамуддин ас-Сығанаки атындағы ислам институтының Ижаза беру орталығының бөлімі ашылды. Игі іс-шара қасиетті Құран аятын басталып, Бас мүфти жамағатты жаңа ғимараттың ашылуымен құттықтады. Наурызбай қажы Тағанұлы орталықтың бөлімше директоры болып тағайындалған белгілі қари Ақжолтай Бақытжанұлына игі тілегін білдірді. ҚМДБ Төрағасы бөлімше ғимаратын аралап, жанадан қабылданған шәкірттерге насихат айтты.

Бұдан бөлек Наурызбай қажы Тағанұлы Алматыдағы елімізге танымал спортшылармен кездесті. ҚМДБ Алматы облысындағы өкілдігінің ұйымдастыруымен табиғат аясында өткен еркін пікір алмасу форматындағы басқосуға



Қазақстан жекпе-жек өнері қауымдастығының вице-президенті Сәрсен Құранбек, белгілі спорт шеберлері Ардақ Назаров, Бейбіт Ыстыбаев, Данияр Қасқаруов, Нұрбақыт Теңізбаев, Руслан Әбдіразақ, Алмат Кебіспаев, Дархан Әшіров, Жанқош Тұраров, Арман Әшімов т.б. чемпиондар қатысты. Бас мүфти басқосуда еліміздегі мұсылман қауымының, оның ішінде ел намысын әлемдік деңгейде қорғап жүрген спорт шеберлерінің рухани бірлігін нығайтудың, бауырмашылдықты арттырудың маңызын айрықша атап өтті. Спортшылар кездесуге ұйытқы болған дін қызметкерлеріне алғыс айтып, Діни басқарма бастамаларын қолдайтынын жеткізді.

ҚОНАЕВ ҚАЛАСЫНДА АҚСАҚАЛДАР БАС ҚОСТЫ

мен имамдар қатысты. Форумда сөз алған облыс әкімі Марат Елеусізұлы Діни басқарманың игі бастамасына сәттілік тілеп, жүрекжарды лебізін жеткізді.

Басқосуда баяндама жасаған Бас мүфти Наурызбай қажы Тағанұлы: «Дәстүрінді баққаным – үмітіңді жаққаның. Салт-дәстүріңе, ұлттық ерекшеліктеріңе ерекше мән берген елдің іргесі берік, келешегі кемел. Ал өзіңнің тілі мен дінін, салт-дәстүрін ұмытып, оның орнына өзгенікің сініріп алған жұрттың болашағы жоқ. Ислам діні де мұны құптамайды. Адамзаттың асылы Пайғамбарымыз Мұхаммед (оған Алланың салауаты мен сәлемі болсын) мұсыл-

Сондай-ақ ҚМДБ Төрағасы Қонаев қаласында «Жүрек жылуы» қайырымдылық іс-шарасына қатысып, көпбалалы, жалғызбасты Биби-наз Шамұратоваға пәтер кілтін табыстады. «Зекет және қайырымдылық» қорының ұйытқы болуымен, демеушілердің көмегімен алынған үйдің кілтін табыстау салтанатында Бас мүфти Наурызбай қажы Тағанұлы: «Біз «Қайырымдылық жасаған, қайырын өзін көресін» деген аталы сөзді өмірлік ұстанымға айналдырған халықпыз. Қазақстан мұсылмандары діни басқармасы күнделікті жұмысында жеті бағытқа басымдық береді. Соның бірі – уақып және қайырымдылық бағыты. Біз қашан



мандардың өзге халықтардың теріс әдет-ғұрыптарына еруіне тыйым салған» дей келе, ел ағаларын жастар арасында дәстүрді көбірек дәріптеуге шақырды.

Мінберде сөз сөйлеген зиялы қуым өкілдері жұртшылықты елдің болашағын жарқын ету жолында бірлесу қызмет етуге үндеді. Олар ары Алматы облысының әкімі Марат Елеусізұлы, Бас мүфти Наурызбай қажы Тағанұлы, ҚМДБ Ақсақалдар кеңесінің мүшелері 3000 адамға арналған жаңа мешіттің жобасымен танысты. Жазушы, ҚМДБ Ақсақалдар кеңесінің мүшесі Смағұл Елубай жамағат игілігі үшін салынатын мешіт құрылысының жоспарланған уақытта бітуін, Қонаев қаласының рухани тұрғыдан және жан-жақты дамуын Құдайдан тілеп, батасын берді.

да өз мүмкіндіктеріміз аясында азаматтарымызға көмек беруге дайынбыз» деді. Қонаев қаласындағы орталық мешітте ұйымдастырылған «Жүрек жылуы» қайырымдылық іс-шарасында 200 мұқтаж, науқас жандарға әлеуметтік маңызы бар азық-түлік салынған қорапшалар берілді.

Наурызбай қажы Тағанұлы Алматы облысына барған сапарында өңір имамдарымен де кездесті. Басқосуда Бас мүфти: «Қонаев қаласынан Діни басқарманың өкілдігін аштық. Ендігі мақсат – бір үйдің баласындай бірлігімізді көрсетіп, ел игілігі үшін қызмет ету. Сіздерді сауапты да жауапты қызметте белсенді болуға шақырамын» деді. Басқосудың соңында Бас мүфти еліміз бен жеріміздің игілігі мен берекесі үшін дұға жасады.

Бетті дайындаған Ағабек ҚОНАРБАЙҰЛЫ



ҚМДБ Төрағасы Наурызбай қажы Тағанұлы Алматы облысына барған сапарында Қонаев қаласында болып, бірқатар іс-шараларға қатысты. Бас мүфти алдымен Алматы облысының әкімі Марат Сұлтанғазиевпен кездесті.

Кездесуде өңірдегі діни ахуал талқыланды. Сонымен қатар имамдардың білімі мен біліктілігін көтеру, дін қызметкерлерін әлеуметтік тұрғыдан қолдау, аймақтағы мешіттерді кадрлармен қамтамасыз ету, халыққа дін мен дәстүр сабақтастығын дәріптеу, жастарды деструктивті діни ағымдардың идеологиясынан сақтандыру т.б. мәселелер сөз болды.

«Мемлекет басшысы Қасым-Жомарт Тоқаевтың халқымыздың біртуар тұлғасы, мемлекет және қоғам қайраткері Дінмұхамед Қонаев есімін жана облыс орталығындағы қалаға беру туралы бастамасы біздің діни саладағы жұмысымызға оң серпін беруде. Қонаев қаласынан Діни басқарма өкілдігін аштық» деді Наурызбай қажы Тағанұлы. Кездесуде ҚМДБ Төрағасы облыс бас-


шысына игі ниетін жеткізіп, жаңа қызметіне береке тіледі. Басқосу соңында тараптар ортақ жобаларды жүзеге асыруға уағдаласты.

Қонаев қаласында «Қариялар – қазығы дәстүріміз» тақырыбында аймақтық Алматы қаласы, Алматы және Жетісу облыстарының ақсақалдар форумы өтті. Форум жұмысына Алматы облысының әкімі Марат Сұлтанғазиев, ҚМДБ Төрағасы, Бас мүфти Наурызбай қажы Тағанұлы, Түркі мемлекеттері ұйымы Ақсақалдар кеңесінің мүшесі Икрам Адырбекұлы, белгілі жазушы, ҚМДБ Ақсақалдар кеңесінің мүшесі Смағұл Елубай, акын, драматург, Мемлекеттік сыйлықтың лауреаты Нұрлан Оразалин, мемлекет және қоғам қайраткері, ҚМДБ Ақсақалдар кеңесінің мүшесі Марат Тоқашбаев т.б. зиялы қауым өкілдері



ОРЫС ЖАЗУШЫСЫ ФЕДОР ДОСТОЕВСКИЙДІҢ «ҚЫЛМЫС ПЕН ЖАЗА» РОМАНЫ – ПСИХОЛОГИЯЛЫҚ ШЫҒАРМА. АВТОР БАС КЕЙІПКЕР РОДИОН РАСКОЛЬНИКОВТЫҢ ӨМІР ЖОЛЫ, ЖАСАҒАН ҚАТЕЛІКТЕРІ, ЖАН АРПАЛЫСЫ АРҚЫЛЫ ҚОҒАМНЫҢ БЕТ-БЕЙНЕСІН ДЕ ӨШКЕРЕЛЕГЕН.

ӨМІРШЕҢ ШЫҒАРМА, ӨЛМЕЙТІН ТАҚЫРЫП



Қаржы жетіспеушілігі салдарынан университеттегі оқуынан шығып қалған Родион күйзеліске түседі. Көпқабатты үйдің шатырындағы бөлмесін жалдап тұратын ол құстың ұясындай тар әрі төбесі өте аласа құжырасында бірнеше күн бойы сыртқа шықпай жатады. Ой мүжіп, қалжыраған Раскольниковтың жағдайы нашарлап, есі кіресілі-шығасылы халге дейін құлдырайды. Бас кейіпкердің бар уайымы – «Не істеймін? Болашағым қандай болмақ? Отбасымы қаражат

болған ол барлау ретінде әжейдің тұрғынжайына барып, кепілге зат өткізеді. Сөйтіп азын-аулақ қаржыны алумен бірге ақшаның қай жерде тұратынын да аңдап қайтады. Әйтсе де кемпірдің баспанасынан шыққан соң: «Менің не істемек ойым бар? Бұл не сұмдық?!» – деп өз-өзінен шошып, түршігіп, райынан қайтады. Тұрмыс ауыртпашылығы жанына батқаны болмаса, Родион негізгі кісі өлтіретіндей жауыз адам емес. Алайда көп ұзамай өзге губернияда тұра-

өлтіргеннен кейін, бағалы дүниелер мен ақшаны тонамақ болып, іздеп жатқанда, үйге кейуананың жас сіңісі келіп қалады да, ол да Родионның қолынан қаза табады. Сөйтіп бір кісіні жер жастандырамын деп барған жігіт екі адамның қанын мойнына жүктейді. Иә, бір күнә басқа күнәға себеп болады деген осы болса керек. Сондықтан жамандық атаулыға мүлде жоламау керек екені анық.

Әжейдің тұрғынжайынан алып кеткен қаражат пен қымбат заттарды Раскольников бәрібір қолданбайды. Біреу-міреу көріп, қылмысымы ашылып қала ма деп қорыққан ол заттай айғақтарды да, ақшаны да үлкен тастың астына тастап, жасырады да, содан кейін қайтып алмайды. Осы орайда байлығы шалқып жатса да, көмекке эру жандарға жәрдемдеспейтін сарандар көп елде кісі өлтіру, тонау, ұрлау секілді қылмыстар да жиі болады деп ой түйесің. Өйткені Раскольниковтей көңілі таза әрі талапты жігітке біреу қолдау білдірсе, ол мұндай қылмысты жасар ма еді?! Ал қазір ше? Родион секілді әлдекімнің қолықтан демегенін күтіп жүрген панасыз жастар аз ба қазір?!.. Тасбауыр қоғам олардың жанын түсінудің орнына әбден ашынып, шарасыздықтан от басқаны күтіп жүре бере ме?!

Родионның қарындасы Авдотья Романовна (Дуня деп те атайды) туралы бір ауыз айтып өтейік. Марфа Петровна есімді бай әйелдің қарамағында үй қызметкері болып жұмыс істеген оған отағасы (Марфа Петровнаның күйеуі) ғашық болып қалады. Мұны білген соң, Марфа Петровна ашуланып, Дуняға жеңіл жүрісті қыз деп жала жауып, айналасына түгел айтып шығады. Бірақ кейін қыздың кінәсіздігі анықталып, үй иесі қатесін түсінеді де, елдімекендегі әр тұрғынжайға жеке-жеке кіріп, Авдотья Романовнаның арлы бойжеткен екенін айтып, оны ақтайды. Көп ұзамай Марфа Петровна қайтыс болады. Өзін кінәлі сезінген ол өлерінің алдында Дуняға мұраға мол ақша қалдырады. Сөйтіп қаржы мәселесі аяқ астынан шешіліп, Авдотья Романовна мен анасы Пульхерия Александровна мұқтаждықтан құтылады. Сонымен қатар Дуня тұрмысқа

шықпақ болған ер адам Лужиннің тәкаппар әрі адамгершілігі төмен жан екеніне көзі жетеді де, оған күйеуге тимек ойынан бас тартады.

Әттең, егер Раскольников сәл сабыр еткенде, бәрі басқаша болар ма еді. Оның қарындасы әлгі кісімен онсыз да отау құрған жоқ және отбасы күтпеген жерден мол қаражатқа ие болды. Бірақ жоғарыда жазған нәрселердің бәрі Родион кемпір мен оның сіңілісін өлтіріп қойғаннан кейін орын алған жәйттар еді. Осы тұр арқылы Достоевский шыдамды болуға, сынақтарда сынбауға және Жаратушы әркімге қажетті несібені жібергенше сабыр етуге үндеп тұрғандай.

Екі кісіні бапталап өлтірген Раскольников үшін нағыз азап енді басталады. Айналасындағылардың бәрі күмәнмен қарап тұрғандай күй кешкен ол өз келенкесінен өзі қорқатын халге жетеді. Істеген сұмдық қылмысы ішіне сыймаған Родион кімге мұң шағарын, кімге сыр ашарын, ішіндегі запыранды кімге ақтарып білмей, аласұрады. Өзі жер жастандырған кемпір түсіне кіріп, оның елесі тынышын алады. Тергеушілердің әр сөзі, әр қимылынан сескенип, олар бәрін білетіндей, тек өзімен ойнап жүргендей бойын қорқыныш билейді. Ток мысық бірден жей салмай, ойнап, қызықтаған тышқандай сезінеді өзін. Жер бетіне сыя алмай қиналған Родион, тіпті өз-өзіне қол жұмсай жаздайды. Ақыры ар азабына шыдауға шамасы жетпей, бәрін сүйген қызы Соняға айтып береді. Әйтсе де өзін ғашығының алдында сұмдық төмен сезініп, қорланады. Жаны жай таппаған соң, кемпір мен сіңілісін о дүниеге аттандырғанына жарты жыл өткенде, полиция бөлімшесіне барып, қылмысын мойындайды. Расында күнә жасаған адамның жан-дүниесі беймаза хал мен уайымнан арылмаса, рахаттана алмасы хақ.

Сот Родион ісін қарағанда, оның ауыр тұрмыс салдарынан психологиялық күйзеліске ұшырап, сырқаттанғанын ескереді. Сонымен қатар бас кейіпкердің досы Разумихин Раскольниковтің қолы ашық, мейірімді әрі батыл жігіт екенін дәлелдеп береді. Родион университетте оқып жүргенде өзінің жағдайы мез емес

болса да, ауыр дертке шалдыққан курстасына жарты жыл бойы қарайласып, соңғы ақшасын бөлісіп жүріпті. Ал ол қайтыс болғаннан кейін Родион марқұм жолдасының кәрі әкесіне қолынан келгенше жәрдемдесіп, қария көз жұмғанда, денесін жер қойнына тапсырыпты. Бұдан бөлек Раскольников өртеніп жатқан пәтерден екі кішкентай баланы алып шығып, құтқарғаны, өз өмірін қатерге тіккен сол күні күйіп қалғаны да мәлім болады. Анасы салып жіберген азын-аулақ ақшаның бәрін күйеуі ажал құшқан бір кедей, көпбалалы әйелге ойланбай бере салғаны және бар. Байқалыңыз ба, Раскольников – өзі қиналып тұрса да, алдымен өзгелердің қамын ойлайтын көпшіл жан. Мұны елеп-ескерген сот 24 жастағы жігітті 8 жылға Сібірге айдауға үкім шығарады. Ол жақта қатесін түсініп, тәубасына келген Родион қамаудан босап шыққан соң, жаңа өмір бастауға бел буады. Сүйген қызы оның артынан Сібірге еріп барып, ұрсақ етілген мерзімде екеуі кездесіп тұрады. Бас қаһарманның аяққа тұрып, өзіне келуіне ғашығының қолдап, жігерлендіруі де әсер еткен еді. Раскольниковтың қарындасы Дуня досы Разумихинге тұрмысқа шығады. Ал шешесі Пульхерия Александровнаға қызы мен күйеу баласы ұлының сотталып, айдалып кеткені жөнінде ештеңе айтпаса да, ана жүрегі бір сұмдықты сезіп, дертке шалдығып, көп ұзамай қусадан сандырақтап жатып қайтыс болады. Шығарманың қысқаша мазмұны – осы.

Достоевский оқырманға әр қателіктің арты өкініш, әр қылмыстың өтеуі жаза екенін ұғындырады. Аяқты аңдап басып, сабырмен қалам жасау керектігін түсіндіреді. Дегенмен Раскольниковтың тағдырын әңгімелеу арқылы жазушы өмірде шалыс қадам жасап, от басқандарға үміт те сыйлайды. Бас кейіпкері қылмыс жасағанмен, кейін қателігін түсініп, жаңа өмір бастауға бел байлады. Сол сияқты әр адам қателеседі және әр адамның қателігін түзетуге, тәубе етуге мүмкіндігі бар.

Бұл ретте қазақ қаламгері Әбіш Кекілбаевтың мына сөзін еске салғанды жөн көрдік: «Өз басым өткенге өкпе жүрмейді деп ойлаймын. Өткенге тек тәубе жүреді деп ойлаймын». Тәубе жөнінде асыл дінімізде де көп айтылған. Мәселен, Алла Тағала қасиетті Құрандағы «Ниса» сүресінің 17-18-аяттарында былай дейді: «Алланың қабылдаймын деп уәде еткен тәубесі – жамандықты білместіктен істеп алып, одан соң көп ұзамай (өлмей тұрып) түзелген адамның тәубесі. Алла олардың тәубесін қабыл етеді. Ол барлығын біліп тұрады әрі хикметпен істейді. Тірлігінде жамандық жасаудан тыйылмай, өлер шаққа келгенде, яғни өлер алдында «енді тәубе етемін» деушілердің тәубесі және кәпір қалпында өлгендердің тәубелері қабыл болмайды». Сонымен қатар Мұхаммед (оған Алланың салауаты мен сәлемі болсын) пайғамбардың мынадай хадисі бар: «Адам баласының бәрі қателік жасайды. Солардың ішіндегі ең жақсылары – жасаған қателіктері үшін тәубе ететіндері».

Сөзіміздің қорытындысында айтарымыз, Достоевский жоғарыда аталған туындысында ғұмырдың ашы-тұшысын ұқтыратындықтан, оның романы – өміршен шығарма, ал көтерген мәселесі – өлмейтін тақырып.

Алпамыс ФАЙЗОЛЛА



тапшылығынан қалай алып шығамын?». Тығырыққа тіреліп, қиындықтан құтылудың жолын таппаған жігітке студенттердің сағат, сақина, алқа т.б. бағалы мүліктерін қабылдап, қарызға ақша беріп, кейін уәделі уақытта өсіммен қайтарып алатын кемпірді өлтіру жайлы арам ой келеді. Кейуананың үйін тонамақ

тын анасынан хат келіп, Раскольников ақылды әрі әдемі қарындасының, отбасын ақша тапшылығынан құтқару үшін дәулетті, жасы жерортаға жеткен ер адаммен шаңырақ көтермеқ ниеті бар екенін білген соң, жігіт намыстанып кетіп, зулым пиғылын жүзеге асыруға бекінеді. Сөйтіп әлгі кемпірді бапталап



Айдарды Жанболат Аунбаев жүргізеді

КҮЗ
Жас қайыңның жапырағы сарғайған,
Ызғырықпен ұшып түсті қалтылдап.
Бақ ішінде шымылық құстар салмайды ән,
Қара қарға жел шақырап қарқылдап.

Бозарыңқы күнгейдегі көк құрақ,
Аунасаң да үстіңе ніл жұқпайды.
Кой соңында бүрсендеген бөрте лақ,
Сары ешкінің бауырына ықтайды.

Бала шопан қой өрзіген ертемен,
Шапанының апты етегін қусырып.
Ширақ басып қойшы мінген кертөбел,
Пысқырады танауынан бу шығып.

Қарағай тұр қанатын бұға жайып,
Сұр тазы сүңгіп кетті нуға ғайып.
Сыбаның аңшы жігіт жағада отыр,
Тоқмын кертөбелдің суға шайып.

Жол жатыр төскейге өрлеп, иірілген,
Ақ шабақ шолп етеді шірмнен.
Жас жігіт желбегей тұр қармақ салып,
Жартастың суға төнген биігінен.

КЕШ
Көкжиекке шоғырланып ала бұлт,
Кешкі өңір күңгірт тартып барады.
Тіршілікті құшаққа алып қара ымырт,
Маужыратып ұяқы басты даланы.

Гүлді алаптан бал арасы нәр жиған,
Бар тіршілік бола қалды тым-тырыс.
Әр бұтақтан үн шығарып тырмысқан,
Ұясына қонды барып әнші құс.

Бұлбұл мүлгіп, кетті ұяқыға бақтарда,
Дегендей-ақ тау ұйқысын бұзбалық.
Бақа ғана бақылдайды шатқалда,
Табиғаттың тыныштығын қызғанып.

Тарсыл-гүрсіл небір үнді қоздырып,
Қара бұлт шақпағыңды шақпашы.
Жайлы іңірде алыңшы бір сәл мызғып,
Асқар таулар – тәңіріміңнің қақпашы.

Уахап ҚЫДЫРХАНОВ

БҮЛ ӨНІРДІ АЯЛАПТЫ КҮЗ КЕЛІП

Журналист, педагог, аудармашы Уахап Қыдырханов ағамыз ат жалын тартып мінгеннен бастап Қытайдың Шыңжаң өлкесіндегі қазақ ауылдарында мұғалім болған. 1955 жылы атамекені Қазақстанға оралған соң «Лениншіл жас», «Социалистік Қазақстан» газеттерінде бөлім меңгерушісі қызметін атқарған. Тәуелсіздіктен кейін халықаралық «Шалқар» апталығына басшылық еткен. Газеттің сан салалы қиын

Түңлік бауды кең ашқанмен жиырып,
Түрлімезен ақбоз үйдің іресі,
Таңнан жортар қара төбет бұйығын,
Босағада әлі жатыр, бұл несі?

Төрт мезгілдің жыл айналма кешінен,
Тұрмын бүгін ерекше бір із көріп.
Табиғатқа таңғалайын несін мен,
Бұл өңірді аялапты күз келіп.

ТАУ СУРЕТІ

Жол жатыр төскейге өрлеп, иірілген,
Самсатып қарағайлар бүрін ілген.
...Орманның бір алаңқай иығынан,
Аңшының көзге түсті үйі бірден.

Көк түтін көтерілген көкке шумақ,
Жемтікке үймелейді күзгін шұлап.
Аққайыңдар арасын жарып өтіп,
Төменде асау өзен жатыр тулап.



да күрделі жұмыстарын абыроймен атқаруының арқасында 3 мәрте Қазақстан Журналистер одағы сыйлығына ие болып, атақты Құран Кәрімнің түсіндірмелі-мағыналық тәржімесін жасаған. Айтайық дегеніміз, қарасөзбен жазған 8 көркем және деректі кітап авторының бір кездерде поэзияға ден қойғаны тіпті қызықты жәйт. Шығармашылық өмірбаяның бастау тұсында Уахап ағамыз өлең жазып, туындылары сол кездегі мерзімдік баспасөзде жарияланып тұрған. Соның белгісі ретінде Уахап Қыдырхановтың 1960 жылы ақын Шәміл Мұхамеджановтың құрастырумен шыққан «Жырға сапар» ұжымдық жинағына кірген өлеңдерін жариялап отырмыз.



